

2 TESALONICENSES

Queétdih ã túyat tútat

¹ Weém Pablo, Silvano, Timoteojĩh túyat túttnit, yeéb Tesalónica tútchidih moón jwĩ íp Dioíhwã, jwĩ Maáh Jesucristoíhwãbut ñi jumachah, nin náodih biíhdih daacát túttnit, yeebdíh wã jwúb wahna caá.*

² Jwĩ íp Dios, jwĩ Maáh Jesucristo yeebdíh oinit, ĩ teo wáaca naáh, ñi tái jummat pínah niijná.

Queétdih “Túina caá, Paá”, ã niiját

³ Wã déewã panihnitá, yeebdíh úbhñit, “Jesúsdih chah ĩ túi jenah joyátdih, chah ĩ míc oyatdihbut ã túina caá, Paá”, yeó jáap jummat pah jwĩ niiját dée caá.

⁴ Jesúsdih ñi péeat jíib, bita yeebdíh yeejép ĩ chãjachah yuhna, caandíh ñi cádahcan caá. Páant ñi cádahcatdih jéihna, bita Dioíhwãdihbut jwĩ túi wēi naóhna caá.

Cristo ã jwúb dei júbwúchah, Dios yeejépwãdih ã peéh chãjat

⁵ Yeejép yapna yuhna, Jesúsdih ñi cádahcah enna, Dios ã maáh jumapna yeebdíh ã bejat túutbipna caá. Páant ã chãjachah, ã jenah joyát yoobópdih ã jummatdih nihat cáacwã ĩ jéihbipna caá.

⁶ Pánihna, Dios yoobópdih jenah joiní jumna, yeebdíh yeejép chãjnitboodíh ã peéh chãjbipna caá.

⁷ Jwĩ Maáh Jesús jeámant jwúb dei júbhna, búdí tũ iigát cãtíh, áih wēpnit ángelwã bíicdih,

* **1:1** Hch 17.1; 1Ts 1.1

yeéb yeejép yapnitjidih ã táí jumat tãutbipna caá. Jwiítidihbut biíc yoobó ã chãjbipna caá.

⁸ Pánih jũóhna, Diosdih, jwĩ Maáh Jesúih táini doonádihbut jepahcannitdih ã peéh chãjbipna caá.

⁹ Dios queétdih ã peéh chãjachah, páantjeh iiguípboó yeejép ã yapbipna caá. Jwĩ Maáh Jesús pebh jéih jumcan, búdí ã wēpatdihbut ã jéihcan niít.

¹⁰ Jesús ã jwúb dei jũóhni yeó jáapdih ãihwã caandih wēinit, “Jesús táini, chah wēpni caá”, ã niijbipna caá. Yeéb ãih doonádih jwĩ naáwáchah joinítbut queét biíc dih caandih búdí ñi wēibipna caá.

Queétdih ã úbát

¹¹ Yeebdih Diosdih jwĩpĩ úbhna caá, ã náahat pahjeh ñi chãjat pínah niijná. Nihat ãihwãdih páant chãjat caá náahap. Pánihna, yeó jáap jumat pah yeebdih búdí jwĩ úbhna caá, Diosdih táí jenah joinít, ã teo wáacatjĩh ded pah ñi chãjihatdih ñi buujáát pínah niijná.

¹² Páant ñi táí chãjachah, jwĩ Maáh Jesucristoíhwã ñi jumatdih jéihnit, bita caandih, yeebdihbut ã táí wēi naóh b ipna caá. Páant ñi jumat pínah niijná, jwĩ íp Dios, jwĩ Maáh Jesucristobut yeebdih oinit, ã teo wáac b ipna caá.

2

Jesucristo ded pah ã jwúb dei jũwát

¹ Bũ jwuh jwĩ Maáh Jesucristo nin baácboó ã jwúb dei jũwúchah, míic wáac juibínit, caandih jwĩ jwáát pínahdih wã naóh b ipna caá.*

² Bita yeebdih yeena, “Jwĩ Maáh átát jwúb dei jũóh tagaá”, ã niijíchah yuhna, ñi úmca bojoó.

* 2:1 1Ts 4.15-17

Biquína “Dios weemdih páant ã niijíp jĩ”, niij, bita “Pablo páant ãt daác wahap jĩ”, ãt niij yee tagaá.

³ Pánihna, bita páant yeebdih ĩ yeenachah, ñi joyáh bojoó. Caán ã jwúb dei júbwát pínah jãtih, Diosdih dawá ĩ yap yohbipna caá. Páant ĩ yap yohochah, chah yeejép wutni ã jíghbipna caá. Caandih Dios peéh chájna, iigúipna ã wahbipna caá.

⁴ “Caán nihat maáh caá”, cãacwãdih niij jenah joyát túttnit, Diosboodih ã weñat tútcan niit. “Weém caá Dios”, niij yeenit, Dioih muúboó ã waadbipna caá, nihat caandih ennit, ĩ wëi naáwát pínah niijná.*

⁵ ¿Ñijeéh jumna, páant yapat pínahdih wã naáwátjidih ñi náhnican niit?

⁶ Bũ caán yeejép wutni pínahdih jãhni páantjeh jwĩ cãtih ã jum jwuhna caá. Obohjeéhtih, Dios ã ñioni yeó jáardih yeejép wutni ã jíghbipna caá.

⁷ Bũ caandih ñi jéih encah yuhna, nemépwã ĩ maáhboó Dios ã wutatdih cãacwãdih ã yap yohat túttna caá. Obohjeéhtih, páant ã chãjachah yuhna, yeejép wutnidih jãhni ã bejat pínah jãtih caán tubit yeejép ã jéih wut jwuhcan caá.

⁸ ã bejat túttimah bácah, tubit yeejép wutni ã jíghbipna caá. Páant ã jíghat túttimah, jwĩ Maáh Jesucristo ã yeh iigátjĩh nin baácboó jwúb dei júbhna, ã naáwátjĩh póoj yohat pah, caandih ã bũdábipna caá.*

⁹ Caán yeejép wutniboó nemép ã wëpatjĩh, cãacwã ĩ jéih chãjca naáhdih dawá láa ã chãj

* 2:4 Dn 11.36; Ez 28.2 * 2:8 Is 11.4

júutbipna caá, queét caandíh ã wēi enat pínah niijná.*

¹⁰ Búdí yeejép ã chājachah yuhna, iiguípna bejnit pínahboó “Caán túi chājni caá”, niijnít, caandíh ã jepahbipna caá. Queét Jesúih doonádih, yoobópdih ã jumuchah yuhna, ãt joíhcap tagaá. Páant ã joíhcat jíib, queét iiguípna bejnitdih Dios ã ubcan níit.

¹¹ Túini doonádih ã náahcat jíib, Dios queétdih máihnit pah ã chājbipna caá, yee naáwát dih ã túi joyát pínah niijná.

¹² “Caán naáwát yoobópdih nihcan caá”, niijnít, yeejép ã wēi chājatji jíib, Dios queétdih ã peéh chājbipna caá.

Dios āihwādh ã ñíwat

¹³ Yeéb jwí déewā panihnitá, jwí Maáh Jesús ã oinit ñi jumna caá. Nin baácdih ã chājat pínah jātih yeéb iiguípna bejnit déejidih Dios ãt ñíwip wut jí, āihwā ñi jummat pínah niijná. Túini doonádih “Yoobópdih tigaá”, yeéb ñi níj jenah joyóchah, Túini Espíritu yeebdíh ãt teo wáacap tagaá, túinit ñi jummat pínah niijná. Pánihna, ã ñíonit ñi jumuchah, Diosdih wēinit “Túina caá, Paá”, jwí niiját dée caá.

¹⁴ Túini doonádih jwí naáwáchah, Dios yeebdíh ãt ñíwip taga, jwí Maáh Jesucristo jeáboó maáh ã jumuchah, yeebbát caán biíc dih maáta ñi jummat pínah niijná.

¹⁵ Pánihna, Jesucristodih túi péenit ñi jumuu. Pánih péena, jwí naóh bohéátjidih jwí daác wahnidihbut túi náhnit, ñi yap yohca bojó.*

¹⁶⁻¹⁷ Jwí Maáh Jesucristodih, jwí íip Diosdihbut yeebdíh búdí jwí úbhna caá, ã náah yacat pah ñi

* 2:9 Mt 24.24 * 2:15 1Co 11.2

chãjat pínah niijná. Jwiít dih oina, iiguípna bejnit déejidih Dios ã túi uabatdih náhninit, yeó jáap jummat pah búdí jwĩ wěina caá. Jesucristo, jwĩ íp biíc dih yeebdíh ĩ teo wáaca naáh, wěp ñuhnit panihnit jumna, túi chãjnit, túi míic wéhenit páantjeh ñi jummat pínah niijná.

3

“Jwiít dihbut ñi uúbú”, ã niiját

¹ BHH jwĩ déewã panihnitá, jwiít dihbut ñi uúbú, jwĩ Maáh Jesúh doonádih dawá cãacwãdih jwĩ túi bohéat pínah niijná. Yeéb caán doonádih ñi wěi jepahat pahjeh mantih bitadih jwĩ bohénachah, ĩ túi wěi jepahat pínahdihbut ñi uúbú. Pánih jepahnit, bitadihbut ĩ naáwáchah, caán dooná waícanjeh ã bej peét bejbipna caá.

² Jesúh doonádih dawá jepahcan, yéej chãjnit jumna, jwiít dih ĩ yeejép chãjíchah, Dios jwiít dih ã wapat pínahdihbut ñi uúbú.

³ Jwĩ Maáh Jesús ã niijátji pahjeh chãjni ã jumna caá. Pánih jumna, nemépwã ĩ maáh yeebdíh ã yéej chãjat túutuchah yuhna, yeebdíh ã teo wáac bipna caá, Jesús dih túi jenah joinít, nemépwãboodíh ñi jepahcat pínah niijná.

⁴ Páant Dios yeebdíh ã teo wáacatjĩh, ded pah jwĩ wutuchah, ñi jepahatdih jwĩ túi jéihna caá. Páant ñi chãj cádahcatdihbut jwĩ jéihna caá.

⁵ Dios búdí ã oyatdih yeebdíh ã túi jéihyana naáh, caandíh oinít, bitadihbut ñi oyat pínah niijná. Jwĩ Maáh Jesús yeejép yapna yuhna, Dios dih ãt cádahcap wut jĩ. Páant ã jummat pah mantih,

yeebbát yeejép yapna yuhna, ñi cádahcat pínahdih wã uúbhna caá.

Ã tewart tútat

⁶ Jwĩ Maáh Jesucristo ã wēpatjĩh, nin pah yeebdih wã wutna caá: Det Jesúíhwã jwĩ bohéátjidih jepahcan, tewíhcannitdih ñi pej jumca bojoó.

⁷ Ñijeéh jumnit, búdí jwĩ teweçah, ñi enep jĩ. Pánihna, jwĩ tewartji pahjeh mantih yeebdihbút tewart ã náahatdih ñi jéihna caá.

⁸ Ñíih jeémátdih jíib wihcanni jwĩpĩ jeémpcap jĩ. Obohjeéhtih, yeebdih uúbh tac buugácat túut niijná, yeó jáap jummat pah, chei jummat pahbút búdí jwĩ tewep jĩ.*

⁹ Jwĩ bohéátji jíib yeebdih jwĩta jíib waadá tagaá. Obohjeéhtih, jíib náahcanjeh, búdí jwĩ tewep jĩ, yeéboó jwiitdih ñi en yacat pínah niijná.

¹⁰ Ñijeéh jumnit, nin pah yeebdih jwĩ niij bohénap jĩ: “Teocannit ï jeémpca bojo naáh”, jwĩ niijp jĩ.

¹¹ Obohjeéhtih, yeéb biquína ñit tewíhcap wut be. Pánih tewíhcan, bitadih ñit tac buugánap wut be.

¹² Pánih tewíhcannitdih jwĩ Maáh Jesucristo ã wēpatjĩh nin pah jwĩ niij wutna caá: “Bitadih tac buugácanjeh, ñi teweé, ñíih jeémát pínah jíib”, jwĩ niijná caá.

¹³ Obohjeéhtih, yeéb jwĩ déewã panihnitá, táí chájna, ñi chuucá bojoó.*

¹⁴ Biquína caanjĩh moón jwĩ tewart tútatdih ï yap yohochah enna, queétdih ñi pej jumca bojoó, tíicnit, ï túat nuumát pínah niijná.

* **3:8** Hch 18.3; 1Ts 2.9 * **3:13** Gá 6.9

15 Obohjeéhtih, Jesúsdi cádahnitdih ñi en jũihñat pah, queétdih ñi en jũihca bojoó. Queét ñi déewã, Jesúsíhwã ï jumachah, ï yap yohatdih queétdih táinijeh ñi naáwá, ï táí tewat pínah niijná.

Ã pé táyat táut

16 Jwĩ Maáh Jesús jwiít dih táí jumát táutni, yeó jáap jumát pah yeebdíh ã táí teo wáaca naáh, ñi táí jumát pínah niijná. Jwĩ Maáh ñijeéh ã táí jumá naáh.

17 Weém Pablo, nin péeni naáwátbitdih wíih téihyajíhjih wã daácna caá. Nihat wã daác wahnidih wíih téihyajíhjih wãpĩ daác péana caá. Páant péeni naáwátbitdih míic wã daacát dih enna, wã naáwát yoobát ã jumát dih ñi jéihbipna caá.

18 Jwĩ Maáh Jesucristo yeéb nihatdih oinit, búdí ã teo wáaca naáh.

Páant bóojeh tigaá wã naáwát.

Pablo

Dios ã jáap naáwát tólih New Testament in Cacua

copyright © 2008 Wycliffe Bible Translators, Inc.

Language: Cacua

Translation by: Wycliffe Bible Translators, Inc.

Copyright Information

© 2008, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Cacua

© 2008, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-08-06

PDF generated using Haiola and XeLaTeX on 18 Apr 2025 from source files
dated 29 Jan 2022
34c9543b-57a6-5290-ab7b-4fa15529a7e2